

KANTONALNA JAVNA USTANOVA DOM ZA DJECU BEZ RODITELJSKOG STARANJA, ulica Bjelave 52, koju zastupa direktor Tarik Smailbegović.

JU DOM ZDRAVLJA KANTONA SARAJEVO, ulica Vrazova 11, koju zastupa direktor Prof.dr. Medmed Kulić, generalni direktor i

ZAVOD ZDRAVSTVENOG OSIGURANJA KANTONA SARAJEVO, ulica Ložionička 2, kojeg zastupa direktor Sakib Katana, dipl.oec.

zaključuju

UGOVOR

o pružanju primarne zdravstvene zaštite za korisnike Kantonalne javne ustanove Dom za djecu bez roditeljskog staranja

Član 1.

Ugovorne strane su saglasne da je predmet ovog ugovora pružanje primarne zdravstvene zaštite za korisnike Kantonalne javne ustanove Dom za djecu bez roditeljskog staranja (u daljem tekstu: Dom za djecu) u JU Dom zdravlja Kantona Sarajevo na način i pod uvjetima utvrđenim ovim ugovorom, a shodno odredbama člana 94 stav (1) i (2) Zakona o zdravstvenoj zaštiti ("Službene novine Federacije BiH" br. 46/10 i 75/13).

Član 2.

Pravo na ostvarivanje primarne zdravstvene zaštite po ovom ugovoru imaju djeca smještena u Doma za djecu (predškolska djeca, školska djeca i omladina) koja imaju status osigurane osobe kod Zavoda zdravstvenog osiguranja Kantona Sarajevo u skladu sa važećim propisima iz oblasti zdravstvenog osiguranja.

Član 3.

JU Dom zdravlja Kantona Sarajevo se obavezuje da će za korisnike Doma za djecu navedene u članu 2. ovog ugovora obezbjediti kontinuiranu primarnu zdravstvenu zaštitu u organizacionim jedinicama i ambulantom Doma zdravlja, koje su nadležne za usluge pružanja primarne zdravstvene zaštite Doma za djecu.

Član 4.

JU Dom zdravlja Kantona Sarajevo se obavezuje da će korisnike Doma za djecu za zdravstvene usluge, kao što su laboratorijska dijagnostika, RTG dijagnostika, specijalističko konsultativne usluge i druge usluge iz djelatnosti Doma zdravlja osigurati pravo prvenstva kod ostvarivanja ovih usluga u ordinacijama Doma zdravlja.

Za ostvarivanje prava prvenstva kod pružanja usluga iz stava 1. ovog člana JU Dom zdravlja Kantona Sarajevo će u organizacionim jedinicama i ambulantom u kojima se budu pružale usluge primarne zdravstvene zaštite za korisnike Doma za djecu, odrediti lica iz reda svojih zaposlenih koja će biti zadužena za koordiniranje aktivnosti iz stava 1. ovog člana.

Član 5.

Zavod zdravstvenog osiguranja Kantona Sarajevo po osnovu ovog ugovora nema dodatnih obaveza prema JU Dom zdravlja Kantona Sarajevo kao pružaocu usluga primarne zdravstvene zaštite kao ni prema Domu za djecu.

Finansiranje zdravstvene zaštite koja se pruža osiguranim licima Kantona Sarajevo u JU Dom zdravlja Kantona Sarajevo regulisano je posebnim ugovorom između Zavoda zdravstvenog osiguranja Kantona Sarajevo i JU Dom zdravlja Kantona Sarajevo.

Član 6.

Dom za djecu snosi sve troškove svojih korisnika koji su izvan utvrđenog standarda zdravstvene zaštite, uključujući troškove participacije u skladu sa propisima Kantona Sarajevo.

Član 7.

U cilju unaprijeđenja mjera zdravstvene zaštite JU Dom zdravlja Kantona Sarajevo i Dom za djecu će raditi na poduzimanju zajedničkih aktivnosti kojima će se kroz edukativne sadržaje, prezentacije, radionice te psihosocijalnu podršku uticati na promociju zdravlja i prevenciju bolesti korisnika koje zbrinjava Dom za djecu.

Član 8.

Ovaj ugovor se smatra zaključenim kada ga potpiše svaka od ugovornih strana.

Član 9.

Svaki spor u tumačenju ili primjeni ovog Ugovora ugovorne strane rješavat će sporazumno, a ako to nije moguće, za rješavanje spora nadležan je sud u Sarajevu.

Član 10.

Ovaj ugovor važi dok ga ne otkaže jedna od ugovornih strana.

Član 11.

Ovaj ugovor je sačinjen u 6 (šest primjeraka, od koji svaka od ugovornih strana zadržava po 2 (dva) primjerka.

KJU Dom za djecu bez
roditeljskog staranja, Sarajevo

DIREKTOR

Tarik Smailbegović

Broj: 639/20
Sarajevo, 19.03. 2020. godine

JU Dom zdravlja Kantona
Sarajevo

DIREKTOR

Prof. dr. Mehmed Kulić

Broj: 01-03-2485-2/20
Sarajevo, 24.03. 2020. godine

Zavod zdravstvenog osiguranja
Kantona Sarajevo

DIREKTOR

Sakib Katana, dipl.oec

Broj:01-33-5-4963/20
Sarajevo,17.03.2020. godine